

## 除夕节的诗句

1.  
乾坤空落落，岁月去堂堂。末路惊风雨，穷边饱雪霜。命随年欲尽，身与世俱忘。无复屠苏梦，挑灯夜未央。——文天祥《除夜》
2.  
相邀守岁阿咸家，蜡炬传红映碧纱。三十六岁都浪过，偏从此夜惜年华。——席振起《守岁》
3.  
新年都未有芳华，二月初惊见草芽。白雪却嫌春色晚，故穿庭树作飞花。——韩愈《春雪》
4.  
三百六十日云终，故乡还与异乡同。非唯律变情堪恨，抑亦才疏命未通。何处夜歌销腊酒，谁家高烛候春风。诗成始欲吟将看，早是去年牵课中。——周弘亮《故乡除夜》
5.  
旅馆寒灯独不眠，客心何事转凄然。故乡今夜思千里，愁鬓明朝又一年。——高适《除夜作》
6.  
自唱新词送岁华。鬓丝添得老生涯。十年旧梦无寻处，几度新春不在家。衣懒换，酒难赊。可怜此夕看梅花。隔年昨夜青灯在，无限妆楼尽醉哗。——吴文英《思佳客·癸卯除夜》
7.  
扫除茅舍涤尘嚣，一炷清香拜九霄。万物迎春送残腊，一年结局在今宵

。生盆火烈轰鸣竹，守岁筵开听颂椒。野客预知农事好，三冬瑞雪未全消。——戴复古《除夜》

8.  
巧裁幡胜试新罗，画彩描金作闹蛾。从此剪刀闲一月，闺中针线岁前多。  
。——查慎行《凤城新年辞》

9.  
千家笑语漏迟迟，忧患潜从物外知。悄立市桥人不识，一星如月看多时。  
。——黄景仁《癸巳除夕偶成》

10.  
火树银花合，星桥铁锁开。暗尘随马去，明月逐人来。游伎皆秾李，行歌尽落梅。  
金吾不禁夜，玉漏莫相催。——苏味道《正月十五夜》

11.  
休叹流光去，看看春欲回。椒盘卷红烛，柏酒溢金杯。残腊余更尽，新年晓角催。  
争先何物早，唯有后园梅。——朱淑贞《除夜》

12.  
千家笑语漏迟迟，忧患潜从物外知。悄立市桥人不识，一星如月看多时。  
。——黄景仁《癸巳除夕偶成》

13.  
春还春节美，春日春风过。春心日月异，春情处处多。处处春芳动，日日春禽变。  
春意春已繁，春人春不见。不见怀春人，徒望春光新。春愁春自结，春结讵能申。  
欲道春园趣，复忆春时人。春人竟何在，空爽上春期。独念春花落，还以惜春时。  
——萧绎《春日诗》

14.  
五十明朝是，兹宵不得眠。杯盘分节序，火炬照村田。春色来何处，梅花在目前。  
自然添白发，岂为惜流年。——德祥《除夕》

15.

巧裁幡胜试新罗，画彩描金作闹蛾；从此剪刀闲一月，闺中针线岁前多。  
——查慎行《凤城新年辞》

16.

生菜春盘草八珍，灯前殊未觉家贫。几从茶垒中间事，第一屠苏最后人。  
衰病不图今夕健，须臾又是隔年春。东风自此无閒暇，万里乾坤一夜新。  
——方岳《除夕》

17.

闲居寡言宴，独坐惨风尘。忽见严冬尽，方知列宿春。夜将寒色去，年  
共晓光新。耿耿他乡夕，无由展旧亲。——骆宾王《西京守岁》

18.

守岁阿戎家，椒盘已颂花。盍簪喧枥马，列炬散林鸦。四十明朝过，飞  
腾暮景斜。谁能更拘束，烂醉是生涯。——杜甫《杜位宅守岁》

19.

守岁尊无酒，思乡泪满巾。始知为客苦，不及在家贫。畏老偏惊节，防  
愁预恶春。故园今夜里，应念未归人。——白居易《客中守岁在柳家庄  
》

20.

梅英粉淡，柳梢金软，兰芽依旧。见万家、灯火明如昼。正人月、圆时  
候。挨香傍玉偷携手。尽轻衫寒透。听一声、画角催残漏。惜归去、频  
回首。——杨无咎《探春令》

21.

江上送年归。还似年时。屠苏休恨到君迟。觅得醉乡无事处，莫放愁知。  
红炮一灯垂。应笑人衰。鹤长凫短怨他谁。明日江楼春到也，且醉南  
枝。——周紫芝《浪淘沙令·己未除夜》

22.

鬓毛不觉白毵毵，一事无成百不堪。共惜盛时辞阙下，同嗟除夜在江南。  
家山泉石寻常忆，世路风波子细谙。老校于君合先退，明年半百又加

三。——白居易《除夜寄微之》

23.

爆竹声中一岁除，春风送暖入屠苏。千门万户曈曈日，总把新桃换旧符。  
。——王安石《元日》

24.

五更钟漏欲相催，四气推迁往复回。帐里残灯才去焰，炉中香气尽成灰。  
。渐看春逼芙蓉枕，顿觉寒销竹叶杯。守岁家家应未卧，相思那得梦魂来。  
。——孟浩然《除夜有怀》

25.

人日题诗寄草堂，遥怜故人思故乡。柳条弄色不忍见，梅花满枝空断肠。  
。身在远藩无所预，心怀百忧复千虑。今年人日空相忆，明年人日知何处。  
。一卧东山三十春，岂知书剑老风尘。龙钟还忝二千石，愧尔东西南北人。  
。——高适《人日寄杜二拾遗》

26.

故岁今宵尽，新年明日来。悉心随斗柄，东北望春回。——张说《钦州守岁》

27.

十载元正酒，相欢意转深。自量麋鹿分，只合在山林。——崔道融《元日有题》

28.

百十钱穿彩线长，分来再枕自收藏。商量爆竹谈箫价，添得娇儿一夜忙。  
。——吴曼云《压岁钱》

29.

翠柏红梅围小坐，岁筵未是全贫。蜡鹅花下烛如银。钗符金胜，又见一家春。  
。自写好宜祛百病，非官非隐闲身。屠苏醉醒已三更。一声鸡唱，五十六年人。  
。——李慈铭《临江仙·癸未除夕作》

30.

省事天公厌两回，新年春日并相催。殷勤更下山阴雪，要与梅花作伴来。己卯嘉辰寿阿同，愿渠无过亦无功。明年春日江湖上，回首觚棱一梦中。——苏轼《次韵秦少游王仲至元日立春》

31.

数声爆竹入新年，万子千红信为传。巽二搀先施妙手，花开顷刻更堪怜。——杨公远《春夜雪》

32.

畴昔通家好，相知无间然。续明催画烛，守岁接长筵。旧曲梅花唱，新正柏酒传。客行随处乐，不见度年年。——孟浩然《岁除夜会乐城张少府宅》

33.

岁晚身何托，灯前客未空。半生忧患里，一梦有无中。发短愁催白，颜衰酒借红。我歌君起舞，潦倒略相同。——陈师道《除夜对酒赠少章》

34.

欢多情未极，赏至莫停杯。酒中喜桃子，粽里觅杨梅。帘开风入帐，烛尽炭成灰。勿疑鬢钗重，为待晓光催。——徐君倩《共内人夜坐守岁》

35.

庭前春鸟啄木声，红夹罗襦缝未成。今朝社日停针线，起向朱樱树下行。——张籍《吴楚歌词》

36.

此日乾隆夕，明朝嘉庆年。古今难得者，天地锡恩然。父母敢言谢，心神增益虔。近成老人说，云十幸能全。——乾隆《除夕》

37.

立春除夕，并为一日，此事今年创见。席间三世共团栾，随分有、笙歌满院。一名喜雪，二名饯岁，三则是名春宴。从教一岁大家添，但只要、明年强健。——郭应祥《鹊桥仙·立春除夕》

38.

剪红情，裁绿意，花信上钗股。残日东风，不放岁华去。有人添烛西窗，不眠侵晓，笑声转新年莺语。旧尊俎，玉纤曾擘黄柑，柔香系幽素。归梦湖边，还迷镜中路。可怜千点吴霜，寒消不尽，又相对落梅如雨。  
——吴文英《祝英台·除夜立春》

39.

去年元夜时，花市灯如昼。月上柳梢头，人约黄昏后。今年元夜时，月与灯依旧。不见去年人，泪湿春衫袖。——欧阳修《生查子·元夕》

40.

家寄关西住，身为河北游。萧条岁除夜，旅泊在洛州。——白居易《除夜宿洛州》

41.

萧疏白发不盈颠，守岁围炉竟废眠。剪烛催干消夜酒，倾囊分遍买春钱。听烧爆竹童心在，看换桃符老兴偏。鼓角梅花添一部，五更欢笑拜新年。——孔尚任《甲午元旦》

42.

弥年不得意，新岁又如何？念昔同游者，而今有几多？以闲为自在，将寿补蹉跎。春色无情故，幽居亦见过。——刘禹锡《岁夜咏怀》

本文链接：<https://duanjuziku.com/duanjuzi/4e0ywmrg1r.html>